

GrønlandsBANKEN-imi Piukkussaqaqarnermut Ataatsimiititaliap sulinissaanut tunngavissiaq

1. Aallaqqaasiut

- 1.1. Tunngavissiaq/piginnaatisissut manna siulersuisut ukiumoortumik ataatsimiinneranni misissorneqartarpoq, nutarterneqartarpoq akuerineqartarlunilu. Allanguutissatut siunnersuutit siulersuisunut ilaasortat arlaannulluunniit tunniunneqarsinnaapput, ilaallutik piukkussaqaqarnermut ataatsimiititaliamut ilaasortat.

2. Inissitsiterineq aamma siunertat

- 2.1. Aningaserivimmik ingerlatsinermut inatsit § 80 a naapertorlugu aammalu siulersuisut suleriaasiat malillugu Piukkussaqaqarnermut Ataatsimiititaliornissaq pillugu siulersuisut aalajangiisarput. Piukkussaqaqarnermut ataatsimiititaliamut ilaasortaapput siulersuisunut siulittaasoq siulersuisunullu ilaasortaqaq ataaseq marlulluunniit. Siulersuisuni siulittaasoq ataatsimiititaliami siulittaasutut issiassaaq.
- 2.2. Siulersuisut qullersanut siulersuisunullu piukkunnartunik toqqaanissaannut atatillugu ataatsimiititaliaq ikiuutissalluni sulisussaavoq. Ataatsimiititaliap akisussaaffia pingaarneq tassaavoq siulersuisut qullersallu akisussaaffiisa piginnaasatigut ilisarnaatissaat/pigisassaata aalajangissallugit.

3. Ataatsimiinnerit akuttussusii ataatsimiigiaqqusisarnerillu

- 3.1. Piukkussaqaqarnermut ataatsimiititaliaq siulittaasup pisariaqartutut isumaqarfigigaangagu ataatsimiittassaaq minnerpaamilli ukiumut ataasiartumik
- 3.2. Piukkussaqaqarnermut ataatsimiititaliap siulittaasuata oqaluuserisassat ilanngullugit ataatsimiititaliaq ataatsimiigiaqqusassavaa ataatsimiinnissaq sioqqulluarlugu.

4. Ataatsimiinnerit aaqqissuunneri ataatsimiinnerillu

- 4.1. Piukkussaqaqarnermut ataatsimiititaliap ilaasortai ataatsimiinnermi peqataasarput. Siulittaasup ataatsimiinnerit aquttarpai. Imaqarniliamik suliarinnittoqartarpoq kisiannili ataatsimiititaliap ataatsimiinnissa siulersuisut ataatsimiinnissaat sioqqutitsiarlugu pippat oqaasiinnartigut ataatsimiinnermi imarisaasut inassutigiumaneqarsinnaasullu saqqummiunneqarsinnaapput.
- 4.2. Ataatsimiititaliaq pisinnaatitsissutip sinaakkutissaasa iluani pissutsit misissussallugit pisinnaatitaavoq, GrønlandsBANKEN-imilu siulersuisunit qullersanillu paasissutissat ikiorneqarnissallu pisariaqartitat pissarsiarisinnaatitaaffigalugit
- 4.3. Siulersuisunik ukiumoortumik nalilersuisarnerit ataatsimiititaliamut tunniunneqartartussaapput ataatsimiititaliallu suliaasa ilaattut isigineqarlutik.

5. Aalajangiinissamut akisussaaffiit aamma piginnaatitaaneq

- 5.1. Piukkussaqaqarnermut ataatsimiititaliaq siulersuisunut akisussaavoq aalajangiinissamullu siunnersuutit taakkununga aalajangiiffigisassanngorlugit innersuussisinnaalluni.
- 5.2. Inaasuteqaqarnermut ataatsimiititaliaq aaliangiinnaassuseqarpoq ataatsimiinnermi ilaasortaasut tamarmiusut peqataatillugit. Aaliangiinerit pisassapput nalinginnaasumik amerlanerussuteqaqarneq tunngavigalugu. Taasinermi amerlaqatigiittoqatillugu siulittaasup taasinera aaliangiisuusassaaq.

6. Inassuteqarnissamut ataatsimiititaliap suliassai

Aningaaserinermik ingerlatsisunut inatsit naapertorlugu ataatsimiititaliap makku isumannaarlugit suliassarivai:

- 6.1. Siulersuisunut tamarmiusunut ilaasortanullu ataasiakkaanut piginnaaffigisassatut piumasaqaatinik aaliangersaanissaq. Siulersuisuni ilaasortassanik qinersinissanut qinigassanik inassuteqartarnissaq kingusinnerpaamik 1. februar siulersuisunut nalunaarutigineqartussanik. Siulersuisunut qinigassanngortitassanik inassuteqarnermut atatillugu ataatsimiititaliap allattorlugit saqqummiutissavai piginnaasat suut inissinnissamut aaliangersimasumut piumasarineqarnersut nalunaarutigalugulu siulersuisuni sulinissamut piffissaq qanoq annertutigisoq atorneqartussatut naatsorsuutigineqarnersoq. Taaneqartut saniasigut ataatsimiititaliap allanit attuumassuteqartunit avataaneersunit siunnersuutigineqartut nalilersuiffigissavai.
- 6.2. Takussutissiaralugu saqqummiullugu siulersuisuni suaassutsikkut ikinnerussuteqarlutik ilaasortaasut akornanni qanoq oqimaaqatigiissaarinissaq siunnerfiusoq ataatsimeersuarnermi ilaasortat toqqakkanit anguniarneqassasoq,

Takussutissiaralugu saqqummiullugu siulersuisut qaffasissusaat allat suaassutsikkut ikinnerussuteqartut agguaqatigiinneri qanoq oqimaaqatigiissaarsinnaanersut anguniarneqassaaq.

Siulersuisut qaffasissusaat allat suaassutsikkut ikinnerussuteqartut amerlanerulersinnissaanut politikikkut suliassanut piareersaneq.
- 6.3. Siulersuisut tunuliaqutimikkut siammasissusissaannik aaliangersaallutik, angujumallugu ilinniarsimasatigut piginnaasatigullu naammattumik assigiinngisitaarnissaq, siulersuisut iluanni siammasissuseqarnissaq kingorna siulersuisunut inassutigineqartussanik.
- 6.4. Ingerlaavartumik minnerpaamillu ukiumut ataasiartumik nalilersuiffigissallugit siulersuisut pisortallu amerlassusii, ilusaat/katiterneqarnerat, akuleriiaagaanerat suliassallu eqqarsaatigalugit suliassanut sanilliullugit angusaat, pisariaqartikkunikkullu siulersuisunut allannguutaasinnaasunik inassuteqarlutik nalunaaruteqarlutillu.
- 6.5. Ingerlaavartumik minnerpaamillu ukiumut ataasiarlutik nalilersuiffigissallugit siulersuisut tamarmiusut pisortallu ilisimasaat, suliaminnut atatillugu tunuliaqutaat, siammasissumik ilisimasaqarnerat misilittagaqarnerallu naammattumik siammasissuseqarnersut aammalu ilaasortani ataasiakkaat kivissinnaaneraat piumasaqaatini § 64 aamma § 64 a-mi aningaaserinermik ingerlatsisunut piumasaqaataasut aammalu siulersuisunut tamarmiusunut nalunaarusiorlugillu inassuteqarfigalugit allaannguutaasinnaasut. Ataatsimiititaliap nalilersuutai siulersuisunut saqqummiunneqartassapput.
- 6.6. Siulersuisunut ilaasortat ingerlaavartumik nutaanik ilaartuinersut. pissutsinut attuumassuteqartunut ilisimasaminnik ilanngussisarnersut kiisalu ilaasortallu immikkut ilisimasat piginnaasallu sapinngisamik atorluarneqarnersut ukiumoortumik nalilerneqartassapput.
- 6.7. Suliassat suliarilluarneqarnissaat anguniarlugu siulersuisut ataatsimoorussamik piginnaasat ataasiakkaallu piginnaasat aallaavigalugit sorliit naalagaaffigissanerlugit kiisalu siulersuisut katitigaaneri amerlassusaalu ukiumoortumik oqaloqatigiissutigineqartassapput, oqaloqatigiissutigineqartullu inerneru siulersuisunut saqqummiullugit.
- 6.8. Ukiumoortumik nalilersuiffigisassallugit siulersuisut pisortaasullu aaqqissuussaanerat/katitigaanerat, amerlassusiat, akuleriaarnerisa angusaasalu qanoq ittuunerat aammalu allannguutissanik siunnersuutissaqarunik siulersuisunut inassuteqassallutik.
- 6.9. Ukiumoortumik naliliiffigisassallugit siulersuisuni ilaasortat ataasiakkaat piginnaaneqarfii, ilisimasaat misilittaagaallu kiisalu tamatuminna siulersuisut ilisimatitsissuteqarfigissallugit.
- 6.10. Nalilersuiffigissallugit inunnit attumassuteqartunit siunnersuutit, taakku ataanni piginneqataasunit pisortaasunillu, siulersuisunut qinigassatut sassartitassatut pisortassatullu siunnersuutigineqartut.

- 6.11. Siulersuisuni aqutsisoq peqatigalugu ukiumoortumik siulersuisunik nalilersuinermi siulersuineq kiisalu ilaasortat ataasiakkaat piginnaasaat, ilisimasaat, misilittagaat iluatsitsilluarnerinillu nalilersuineq, taakkualu siulersuisunut nalunaarutigalugit.
- 6.12. Siulersuisunut pisortanullu ilaasortanik nutaanik katersinermi siulersuineq, siulersuisullu akuerisassaannik sulisussanil piukkunnartunik innersuussineq.
- 6.13. Pisortat iluatsitsilluarnissaannut pilersaaruteqarnissaa suliaralugu.
- 6.14. Amerlassutsinut politikki siulersuisunik akuerisassaq suliarineqarnersoq nakkutigalugu.
- 6.15. Pisortat aqutsisunik sulilersitsinermut politikkiat nakkutigalugu.

Ataatsimiititaliaq Finansrådip siulersuisuisa malittarisaniit allassimangitsunit katersugai naapertorlugit kiisami ima ilanngussivoq:

6.16 Aningaaseriviup siulersuisunut piukkunnartunik sulisussarsionermi nassuiagaalluartumik ilusilersorluakkamik pileriartorneq atorneqassasoq, ajornanngippallu avataaneersumik piginnaanilimmik ilanngussisarnissaq.

7. Siulersuisunut nalunaarusiortarneq il.il.

- 7.1. Piukkussaqaqarnermut ataatsimiititaliami ataatsimiinnerup kingorna siulersuisuni ataatsimiinnermi tullermi piukkussaqaqarnermut ataatsimiititaliami oqallisigineqarsimasut pillugit siulersuisut ilisimatinneqartassapput ataatsimiititaliamilu inassutigineqarsinnaasut aalajangiiffigisassanngorlugit taakkununga saqqummiuttassallugit.
- 7.2. Ataatsimiititaliap ukiumi qaangiuttumi sammisimasai GrønlandsBANKEN-ip ukiumoortumik nalunaarusiaani naatsumik nassuiaateqarfugalugit ilanngunneqartassapput. Tamakku saniatigut piginneqatigiiffinni aqutsinermut inassutigisat pitsaasut malillugit paasissutissat piumasarineqartut tamanut saqqummiunneqartassapput.

8. Iluaqtissat

8.1. Piukkussaqaqarnermut ataatsimiititaliap periarfissaraa iluaqtissat tamaasa, ataatsimiititaliap pisariaqartutut naliligai ilanngutitissallugit atussallugillu, matuma ataani avataanit siunnersorneqarneq.

9. Avammut saqqummiussineq

- 9.1. Aningaaseriviup nittartagaatigut avammut takussutissiarineqarlutik saqqummiunneqartassapput Inaassuteqaqarnermut ataatsimiititaliap sulinissaanut attuumassuteqartut makkuusut:
 - Sulinissamut tunngavissiaq
 - Ukiup ingerlanerani ataatsimiititaliap ingerlanerani pingaarnersiukkatut saqqummiussat, ataatsimiinnerit qassiuneri kiisalu ataatsimiititaliami ilaasortaasut aqqi, ataatsimiititaliap siulittaasua taakkulu kiffaanngissuseqarnerat
 - Siulersuisunut ilasortat kikkut ataatsimiititaliap pineqartup ataatsimiinnerani peqataasarsimasut
 - Siulersuisuni ilaasortat piginnaasaqassutsikkut siammasissusissaannut politikki.

Kiisalu paasissutigineqassapput, aningaaseriviup inassuteqarnissamut ataatsimiititaliamik pilersitsinermi piumasaqaatit qanoq malissimanerai qanorlu siulersuisuni siammasissuseqarnissamik piumasarisat aaliangiunneqarsimaneri.

Aningaaseriviup piukkussaqaqarnermut ataatsimiititaliaqarnissamut piumasaqaatinut malinninnera, kiisalu siulersuisuni amerlassutsinut politikkimik aaqqiissuussineranut paasissutissat tamanut saqqummiunneqassaaq.

10. *Nalilersuineq aammalu sulinissamut tunngavissiamik allannguinerit*

- 10.1. Inasuteqarnissamut ataatsimiititaliap minnerpaamik ukiumut ataasiarlutik sulinissamut tunngavissiaq nalilersuiffigisassavaat isumannaarumallugu tamatuma inatsisinut naapertuuttumik ilusiligaanera, Suliffeqarfiit pitsaasumik ingerlannissaannut inassutaasut maillinnerai il.il.
- 10.2. Ataatsimiititaliap sulinissaanut tunngavissiat allannguutissatulluunniit siunnersuutaasinnaasut siulersuisunut akuerisassanngortillugit saqqummiunneqartassavai.
- 10.3. Sulinissamut tunngavissiaq qaqugukkulluunniit siulersuisuni nalinginnaasumik amerlanerussuteqarneq tunngavigalugu allanngortinneqarsinnaavoq.
- 10.4 Ukiumut ataasiarlutik ataatsimiititaliami issiasut sulinermi pitsaassusia pillugu nalilersuisassapput ukiup tulliani suliasat ilusilernissaat tunngavissalerumallugu.

Siulersuisut 6. november 2024 ataatsimiinneranni saqqummiunneqartut akuerineqarput.